



Služba za privredu
Broj: 02/1-23-1276/18
Breza, 23.05.2018. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje

Na sjednici Općinskog vijeća Breza održanoj dana 25.04.2018. godine, u okviru vijećničkih pitanja, vijećnik Fetah Bajrić, u pismenoj formi je postavio vijećničko pitanje koje glasi:

„ Dostaviti cjelovitu informaciju, a po pitanju vodovoda Bukovik. Sve ono što se dešavalo do danas, te šta je poduzeto po pitanju odgovornosti, ko je odgovoran? Šta se planira uraditi, a kako bi se prevazišlo postojeće stanje?“

U vezi postavljenog pitanja dajemo sljedeći odgovor, tj. dostavljamo presjek izvršenih aktivnosti na realizaciji projekta „Proširenje sistema javnog vodosnadbijevanja za naselje Bukovik“.

Postupak javne nabavke radova na sistemu vodosnadbijevanja naselja Bukovik je proveden na osnovu GP „Proširenje sistema javnog vodosnadbijevanja za naselje Bukovik“, šifra 34.LS. PER. III/ 13, izrađenom od strane „Perspektiva-inženjering“ d.o.o. Visoko, naručenom i finansiranom od strane MZ Bukovik, te odobrenja za građenje broj: 03/2-3-23-253/13 od 17.06.2013. godine. Po provedenom postupku javne nabavke, za realizaciju predmetnog projekta zaključen je Okvirni sporazum broj: 01/2-05-2904/13 od 06.10.2013. godine. Odabrani izvođač radova „TB inženjering“ d.o.o. Breza.

Realizacija okvirnog sporazuma se odvijala fazno:

Faza I realizovana – Pojedinačni ugovor broj: 01/2-05-3027/13 od 30.10.2013. godine. Sredstva obezbijeđena iz Programa vodnih naknada Ze-do kantona. Cijena ugovorenih radova 103.263,20 KM. Nadzor imenovan od Ministarstva poljoprivrede, vodoprivrede i šumarstva Ze-do kantona. Radovi situirani kroz okončanu situaciju i uz izvještaj nadzornog organa.

Faza II realizovana - Pojedinačni ugovor broj: 01/2-05-3062/14 od 29.12.2014. godine. Sredstva obezbijeđena iz Programa vodnih naknada Ze-do kantona. Cijena ugovorenih radova 72.437,92 KM. Nadzor imenovan od Ministarstva poljoprivrede, vodoprivrede i šumarstva Ze-do kantona. Radovi izvedeni u toku 2015. godine. Radovi situirani kroz I privremenu situaciju na iznos od 30.641,78 KM, II privremenu situaciju na iznos od 61.411,78 KM i okončanu situaciju na iznos 11.026,14 KM uz izvještaje nadzornog organa.

Faza III – sklopljen pojedinačni ugovor broj: 01/2-05-2037/16 od 02.08.2016. godine. Cijena ugovorenih radova je 119.738,48 KM. Izvor finansiranja: Ministarstvo poljoprivrede, vodoprivrede i šumarstva 63.500,00 KM, a Budžet Općine Breza 56.238,48 KM.

Utvrđeni rok za izvođenje radova je 60 dana od dana uvođenja u radove, a najdalje do 09.10.2016. godine.

Stručno tehnički nadzor nad izvođenjem radova je „Perspektiva inženjering“ d.o.o. Visoko imenovan od strane Općine Breza. Po isteku ugovorenog roka, ugovornom organu je od strane nadzornog organu dostavljen izvještaj, u kojem je naveden stepen realizacije ugovorenih radova (26%).

Dana 31.10.2016. godine uspostavljena je I privremena situacija na iznos od 31.535,63 KM.

Dana 20.12.2016. godine je Izjavom Ugovornog organa da je ex lege nastupio raskid ugovora o javnoj nabavci radova „Proširenje obuhvata sistema javnog vodosnabdijevanja prema naselju Bukovik – faza III“, tj. izvršen je raskid ugovora.

Po raskidu ugovora, uz prisustvo nadzornog organa, izvršena je primopredaja izvedenih radova. Po izvršenoj primopredaji radova, utvrđene su određene nepravilnosti, kako u pogledu projektne – tehničke dokumentacije, tako i u pogledu stvarno izvedenih radova na terenu (kvalitet, količina i sl).

U tom smislu, od strane općine pokrenut je postupak javne nabavke usluga – izrade Projekta izvedenog stanja sa dopunom za trase vodovoda, te je sklopljen Ugovor o izradi projekta s najpovoljnijim ponuđačem „IBIS“ d.o.o. Zavidovići.

Obzirom da Ugovor nije u potpunosti realiziran, ostala su neutrošena sredstva po Programu utroška sredstava vodnih naknada za 2016. godinu u iznosu od 63.500,00 KM. Programom utroška sredstava vodnih naknada za 2017. godinu, za realizaciju predmetnog projekta odobrena su dodatna sredstva u iznosu od 66.500,00 KM.

Na osnovu nove projektne dokumentacije, a u skladu s Sporazumom o zajedničkom učešću u realizaciji projekta iz „Programa utroška sredstava vodnih naknada za 2017. godinu – finansiranje izgradnje ili rekonstrukcije vodnih objekata od općinskog značaja (zaštitni vodni objekti, vodni objekti za vodosnabdijevanje i vodni objekti za zaštitu voda od zagađenja), uključujući i izradu projektne dokumentacije“, Ministarstvo poljoprivrede, vodoprivrede i šumarstva Ze-do kantona, je provelo postupak nabavke radova na realizaciji projekta „Proširenje obuhvata sistema javnog vodosnabdijevanja prema naselju Bukovik“. Po provedenom postupku, odabran je najpovoljniji ponuđač – Konzorcij „Hydra“ i „Sela“, te je dana 12.02.2018. godine sklopljen Ugovor broj: 05-25-15150-12/17. Vrijednost ugovorenih radova iznosi 153 366,51 KM s PDVom. Nadzorni organ nad izvođenjem radova je „ZAGREBINSPEKT“ d.o.o. Mostar. U toku su radovi na realizaciji predmetnog Ugovora.

Obradivač: R. Mušanović

Dostavljeno
1 x Naslov
1 x Evidencija
1 x a/a

Pomoćnik načelnika

Salih Hasanspahić